

lobis (omnes tamen in runcinatum formam tendunt), vestitu, involucri squamarum forma & directione absolute incertæ sunt. Certus testor, me non e conjungendi studio, sed irrefutabili experientia plenè convictum hoc scribere. Ceteris utique memorabilior est *L. serotinus* Kit.!, sed in planta Horti Lundensis culta *folia superne glabra evaserunt*, ut tantum foliis minus divisus dignoscere valeam. Vere diversus videtur:

L. pubescens, foliis interrupte pinnatis, basi scapoque lana erecta tomentosis, involucri ext. squamis ovatis. *Fries Nov. 1814. p. 14.* *L. eriopus. Donn. Prodr. Nep.*

In montibus altaicis. *Tilesius ex Agardho! Emodi. Donn.* Scapus non *araneoso-tomentosus*, ut sæpe in vulgari.

Obs. 2. Jam 1814 priores species conjungendas statui & deinceps annua experientia nimis comprobavit. Varietates hoc modo fusius exponendas, ne observationes commisceantur, seorsim tracto, sed exinde, *ut me quasi illas distinguentem citent Auctores, nolo. Proponendi modum non satis attendunt, qui L. lævigatum & obliquum prioris editionis ut species me Auctore distinctas tradunt.*

Obs. 3. Denique notandum ad sæpes limosas Scaniae me hujus speciei magnam vidisse copiam *pappo prorsus sessili.* Sed flos exinde insolitam induebat faciem; monstrosa luculenter progenies, in qua stipes pappi etiam in semina, vulgaris duplo longiora, turgescit.

INTYBUS. FRIES.

CHAR. ESS. Involucrum duplex, exterius breve adpressum persistens; interius cylindricum, demum patens, lævigatum, squamis erectis æqualibus. Receptaculum nudum. Pappus sessilis pilosus lævissimus.

CHAR. NAT. Plantæ acaules, veræ scapigeræ, integrifoliæ, Leontodo affinitate naturali certe proximæ! Scapus uni-bi-aut multiflorus. — Involucrum cylindricum l. obconicum, demum apertum, æquabile (minime conivens, ventricosum, torulosum ut in Crepide) duplex, utrumque polyphyllum; interius squamis submembracis linearibus æqualibus lævibus; exterius regulare, adpressum, nec deciduum. Corollæ, stamina & pistillum (elongatum) affinium. Receptaculum angustatum, nudum, læviusculum. Semina linearia, lævia. Pappus ut supra, longus, tenuissimus.

Obs. Inserendum est in Wahl. Fl. Suec. inter Leontodum & Crepidem. *Hieracium præmorsum*, cujus vestigium synonymon supervacaneum resuscitavi, a Hieraciis involucro simplici imbricato ovato, squamis valde inæqualibus & incumbentibus, pappo scabro, scapo vix unquam vero &c., longe recedere, præcipue spectata naturali affinitate, semper persuasum mihi habui, quare *Crepididum* potius convenire in Fl. Halland. (ut jam video quoque apud optimum Haller) observatum volui. Tamen & ab hoc genere involucris natura nimis removetur, quam ut ejus speciem dicam. Examinatis variis exoticis congruis speciebus, cum quibus facie eximie convenit, licet ad diversa genera (*Leontodon*, *Crepis*, *Hieracium* &c.) referantur, ut sui generis typum proponere non dubito.

245. INTYBUS *præmorsus*, foliis ovali-oblongis subdentatis mollibus, scapo thyrsifloro. Hierac. præmorsum Linn. Suec. n. 700. cum syn. & descr. — Wahl. Suec. 873. & Auct.

Obs. *I. incarnatus* (*Hieracium inc. Jacq. Ic. rar. t. 578. & Auct.*) proximus, sec. nostra spec. Caranthiaca ab am. J. Vahl, *foliis hirto-scabris, scapo bifido-paniculato*, præter florum colorem, luculenter differt. Num vero *H. auriculæfolium* Willd. glabritie distinguendum, ex spec. siccis italicis, nondum satis mihi certum. (*H. integrifolium* Hopp.! l. *succisæfolium* All., quod *glaberrimum* Hallero, cultura *hirsutum* evadit, inter hæc a Willdenowio collocatum, licet squamæ interiores solito magis æquales & basi subinde squamatae, recte observante jam Hallero, verum est Hieracium & e tribu Pulmonareæ, ut & *H. bifidum* Kitaibel! &c., quæ, licet caulis nudus, scapigera vix dicas). Exoticis vero nimis ab hujus operis scopo recedentibus, addam tantum me in hispanicis exemplaribus *Intybi bulbosi* (*Leontodi bulbosi* L.) pappum videre sessilem & habitum genuini Intybi; *L. aureum* L. vero, si hujus generis?, habitu esse omnino deliquescentis *Apargiæ*, sub quo nomine & ex Helv. accepi.

246. APARGIA *hispida*. Linn. Suec. n. 694.

β. *glabrata*. Ed. 1. p. 104.

Α. *hastilis*. Jacqu. Austr. t. 164.

In Scaniæ fagetis montosis inter Krageholm & Snogeholm, in par. Madesjö Smolandia &c. major; minor passim in versuris Suec. merid.